



INATSISARTUT

Aningaasaqarnermut Naalakkersuisoq

Ulloq: 10. september 2026

J.nr.: 01.31.06/26-01181

Aningaasaqarnermut Akileraartarnermullu sisamangornermi ulloq 27. august 2026-imi aalajangiineranik Naalakkersuisunut ilisimatitsineq.

Ilinniartitaanerup, Kultureqarnerup, Timersornerup Ilageeqarnerup iluani aningaasanik missingersuutitut sunniuteqanngitsumik nuussinissamut ilassutitut aningaasaliissutitik qinnuteqaat aamma missingersuutitut ilanngussat allassimaneritik allannguneq. Ataatsimiititaliap suliaa nr. 01.31.06/26-01181.

”Naalakkersuisut inassutigaat

- una** kontomi pingaarnermi, 40.10.12 Efterskolit, missingersuutitut ilanngussat allassimaneri allanngortissasut,
- una** kontomi pingaarnermi, 40.01.08 Ilinniartitaanerup immikkoortortaqarfinnut pilersaarut, aningaasaliissutit 2026-mi 3.369.000 kr.-nik ilanngarneqassasut,
- una** kontomi pingaarnermi, 40.02.01 Ilinniartut ineqarfiisa allaffeqarfiata ataatsimut kontua, aningaasaliissutit 2026-mi 885.000 kr.-nik ilaneqassasut,
- una** kontomi pingaarnermi, 40.10.06 Kalaallit Nunaanni efterskolit ingerlanneqarneritut tapiissutit, aningaasaliissutit 2026-mi 600.000 kr.-nik ikilisinneqassasut,
- una** kontomi pingaarnermi, 40.90.15 Ilinniartut inissaannik attartorneq, aningaasaliissutit 2026-mi 885.000 kr.-nik ilanngarneqassasut,
- una** kontomi pingaarnermi, 40.91.05 Inersimasunut ilinniartitaanerit, aningaasaliissutit 2026-mi 527.000 kr.-nik ilaneqassasut,
- una** kontomi pingaarnermi, 40.91.14 Kalaallit Nunaanni Imarsiornermik Ilinniarfik, aningaasaliissutit 2026-mi 2.797.000 kr.-nik ilaneqassasut,
- una** kontomi pingaarnermi, 40.91.23 Campus Kujalleq, aningaasaliissutit 2026-mi 2.861.000 kr.-nik ilanngarneqassasut,
- una** kontomi pingaarnermi, 40.91.26 Isumaginninnikkut suliaasaqarfimmi ilinniartitaanikkut suliniutit, aningaasaliissutit 2026-mi 2.000.000 kr.-nik ilanngarneqassasut,
- una** kontomi pingaarnermi, 40.92.10 Folkehøjskolit, aningaasaliissutit 2026-mi 600.000 kr.-nik ilanngarneqassasut
- una** kontomi pingaarnermi 40.94.12 Nunatta Katersugaasivia Allagaateqarfialu, aningaasaliissutit 2026-mi 726.000 kr.-nik ilaneqassasut
- una** kontomi pingaarnermi, 40.97.03 Kalaallit Nunaanni ilageeqarneq, aningaasaliissutit 2026-mi 5.380.000 kr.-nik ilaneqassasut,

Aningaasaqarnermut Ataatsimiititaliap oqaaseqaatai apeqqutaalu

Apeqquut 1

Suliap allaaserineqarnerani allassimavoq konto pingaarnermi 40.91.23-mi, Campus Kujallermut tunngasumi, atuinikinnerunermut pingaarnertut pissutaasoq aningaasat ukiannit 2025-mi 2026-mut atuinikinnerussutit 3.192.000 kr.-it nuunneqarnerat.

- a) Campus Kujallermi atuinerup kiisalu pisiortornermi periuserineqartup annertusisamik nakkutigineqalernerat atuinikinnerussutit nuunneqarnerannut pissutaanerarlugu Naalakkersuisut paasissutissiinerat itisilerneqassasoq ataatsimiititaliamit kissaatigineqarpoq.
- b) Tamatuma sanitigut Campus Kujallermi ingerlatsinerup nalinginnaasunngoqqinnissaanik Naalakkersuisut paasissutissiinerat itisilerneqassasoq ataatsimiititaliamit kissaatigineqarpoq.
- c) Suliap ilinniarfiup ilinniartitsinermik ingerlatsineranut qanoq sunniuteqarsimava?

Apeqquut 2

Suliap allaaserineqarnerani allassimavoq konto pingaarnermi 40.91.14-imi, Imarsiornermut Ilinniarfimmut tunngasumi, aningaasaliissutit amerlineqarnerannut pingaarnertut pissutaasoq ukiannit 2025-mi 2026-mut atuinerussutit 2 mio. kr.-it nuunneqarnerat.

- a) Aningaasaliissutit siunissami eqquutsinneqartarnissaannut Naalakkersuisut qanoq naatsorsuuteqarpat?
- b) Tamatuma saniatigut ilinniarfiup siunissami inissaaleqinera pillugu paasissutissinneqarnissani ataatsimiititaliap kissaatigaa.

Apeqquut 3

Ilinniarfiit aningaasanik aqutsinermut pilersaarusiornermullu sakkussaasa patajaallisarneqarnissaat pisariaqartinneqarnersoq Naalakkersuisunit isumaliutigineqarsimava?

Ataatsimiititaliap Naalakkersuisunut kaammattuutai

Inatsisartut inatsisaata nr. 77-ip, 21. november 2025-meersup akuersissutigineqarnerata nassatarisaanik konto pingaarnermut 40.10.12-imut, Efterskolinut tunngasumut, missinger-suutitut ilanngussap oqaasertaasa nutarterneqarnissaannik Naalakkersuisut inassuteqarnerat ataatsimiititaliamit maluginiarneqarpoq.

- a) Oqaasertat taartissaani, akuerineqartussatut kissaatigineqartumi, suliassat kisitsisissaattut naatsorsuutigisanut takussutissiaq ilanngunneqarsimanngitsoq ataatsimiititaliamit maluginiarneqarpoq. Suliassat kisitsisissaattut naatsorsuutigisat oqaasertat taartissaannut ilanngunneqarnissaannik Naalakkersuisut ataatsimiititaliamit kaammattorneqarput.
- b) Tamatuma peqatigisaanik konto pingaarnermut atatillugu oqaasertaliussap assinganik naleqqussarneqarnissaa Naalakkersuisunit inassutigineqanngitsoq ataatsimiititaliamit maluginiarneqarpoq. Oqaasertaliussami atuuttumi Danmarkimi efterskoli-miinnermi tapiissutit annertussusissaat kisimik aalajangersarneqarput. Taamaattu-

millu oqaasertaliussat nutarterneqarnissaat siunertaralugu ilassutitut aningaasaliis-suteqarnissamik qinnuteqaammik nassiusseqqullugit Naalakkersuisut ataatsimiitita-liamit kaammattorneqarput, taamaaliornikkut inatsisip allanngortinneqarnerata kin-gunerisaanik tapiissutit annertussusissaannut aningaasaliissutigut tunngavigisassat pisariaqartut qulakkeerneqarsinnaaqqullugit.

Aningaasaqarnermut Ataatsimiititaliap aalajangiinera

Apeqqutit siuliani allassimasut akineqarnissaasa tungaannut Aningaasaqarnermut Akile-raartarnermullu Ataatsimiititaliap isummernissani **kinguartippaa**.

Inussiarnersumik inuulluaqqusillunga



Aqqalu C. Jerimiassen

Aningaasaqarnermut Akileraartarnermullu Ataatsimiititaliap siulittaasua